



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-385-4/24**
Datum: **19.08.2024. godine**

«Agencija za vodno područje rijeke Save» Sarajevo rješavajući po zahtjevu investitora Vejzović Rizah iz Živinica za donošenje rješenja o vodnoj dozvoli za ispuštanje tehnoloških otpadnih voda sa lokacije poslovnog objekta autopraonice sa vulkanizerskim uslugama, trgovinom i ugostiteljskim uslugama, koji se nalazi u naselju Kovači, Grad Živinice, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Investitoru Vejzović Rizahu iz Živinica, daje se vodna dozvola za ispuštanje tehnoloških otpadnih voda sa lokacije poslovnog objekta autopraonice sa vulkanizerskim uslugama, trgovinom i ugostiteljskim uslugama, koji se nalazi u naselju Kovači, Grad Živinice, na zemljištu označenom kao k.č. broj: 572/4 K.O. Kovači.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da investitor obezbijedi da se sistem za prikupljanje, prečišćavanje i ispuštanje tehnoloških otpadnih voda kao i objekti izgrađeni na lokaciji autopraonice, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.6. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.

- 3.7. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta, Vejzović Rizah iz Živinica, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta autopraonice sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Investitor Vejzović Rizah iz Živinica, zahtjevom bez broja od 23.07.2024. godine se obratio ovoj Agenciji za donošenje rješenja o vodnoj dozvoli za ispuštanje tehnoloških otpadnih voda sa lokacije poslovnog objekta autopraonice sa vulkanizerskim uslugama, trgovinom i ugostiteljskim uslugama, koji se nalazi u naselju Kovači, Grad Živinice, na zemljištu označenom kao k.č. broj: 572/4 K.O. Kovači.

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjerena kopija lične karte,
- Dokaz o uplaćenju upravnoj pristojbi.

- Rješenje o građevinskoj dozvoli broj: 04/3-19-4592/2022 od 15.11.2022. godine izdatog od Službe za urbanističko planiranje, komunalne, geodetske i imovinsko-pravne poslove, Grad Živinice,
- Rješenje o vodnoj saglasnosti broj: UP-1/21-2-40-381-3/22 od 03.08.2022 godine izdato od strane Agencije za vodno područje rijeke Save, Sarajevo,
- Zapisnik broj: 04/3-19-2992-1/024 o izvršenom tehničkom pregledu građevine od strane Komisije za tehnički pregled izvedenih radova, dana 25.06.2024. godine,
- Račun broj: 57/24 za ugrađeni separator ulja – BP OLEX 10 M/KF/O/AB od strane BORPLASIKA EKO d.o.o. Tuzla

B. Tehnička dokumentacija

- Glavni projekat snabdijevanja vodom i dispozicija otpadnih voda za potrebe dogradnje i nadogradnje stambeno-poslovnog objekta autopraonice sa vulkanizerskim uslugama, trgovinom i ugostiteljskim uslugama u naselju Kovači, Grad Živinice, na zemljištu označenom kao k.č. broj: 572/4 K.O. Kovači, urađen od strane „ATRIUS-projekt“ d.o.o. Živinice, juli 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-385-2/24 od 16.08.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetni stambeno-poslovni objekat namjene poslovnog objekta autopraonica sa vulkanizerskim uslugama, trgovinom i ugostiteljskim uslugama se nalazi u naselju Kovači, Grad Živinice, na zemljištu označenom kao k.č. broj: 572/4 K.O. Kovači.

Za aktivnost ispuštanja otpadnih voda na predmetnoj lokaciji izdata je vodna saglasnost za investitora, Rješenje o vodnoj dozvoli broj: UP-1/21-2-40-381-3/22 od 03.08.2022 godine izdato od ove Agencije na projekat po kome su se trebali izvesti radovi na terenu.

Prilikom uviđaja utvrđeno je da su na terenu izvedeni radovi na sistemu za prikupljanje, tretman i ispuštanje otpadnih voda.

Na lokaciji nema registrovanih izvorišta pitke vode. Predmetni objekat je udaljen od uređenog korita rijeke Gostelje cca 16 m. Na predmetnoj lokaciji korito rijeke Gostelje je uređeno.

Na predmetnoj lokaciji nema kanalizacione mreže.

Za ispuštanje sanitarnih otpadnih voda podnosilac zahtjeva je pribavio rješenje o vodnoj dozvoli od nadležnog organa.

U predmetnom poslovnom objektu će se vršiti pranje auta i to autopraonici sa jednim boksom.

U samom procesu nastaju tehnološke otpadne vode od pranja auta. Ove vode su opterećene deterdžentima, masnoćama, uljima i prašinom i iste se iz autopraonice vodonepropusnim cijevima odvođe do separatora masti i ulja. U separator se dovode i oborinske vode sa platoa. Prečišćene vode se preko okna za monitoring ispuštaju u rijeku Gostelju.

Podnosilac zahtjeva je pribavio Rješenje o odobrenju za građenje od nadležnog organa kao i izvršen je tehnički pregled izvedenih radova na predmetnoj lokaciji i sačinjen zapisnik o istom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 19, 20 i 21. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja postupku i rokovima za obračunavanje i plaćanje i kontrolu ispuštanja...

osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Vejzović Rizah iz Živinica ispunio minimum uslova za izdavanje vodne dozvole za ispuštanje tehnoloških otpadnih voda sa lokacije autopraonice sa vulkanizerskim uslugama, trgovinom i ugostiteljskim uslugama u Đurđeviku, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- Vejzović Rizah, Stari Đurđevik bb, Grad Živinice (Prilog: Tehnička dokumentacija navedena pod tačkom B obrazloženja Rješenja).

⊙ AVP Sava, ISV-vodna knjiga

- Org.jed. 50

- Org.jed. 40-arhiva

- Oglasna tabla AVP Sava Sarajevo